

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Dissertationes refutatoriae synodalis ab Heinrico Heideggero professore Tigurino adversus sacras

Reding, Augustin

Monasterii Einsidlensis, 1669

Extract Eines offenlichen Schribens der loblichen Alt Endtgnoeßischen
Orth Zürich / Bern / Lucern etc.

[urn:nbn:de:bsz:31-162659](https://nbn-resolving.org/urn:nbn:de:bsz:31-162659)



EXTRACT

Eines öffentlichen Schribens
der Loblichen Alt Endtgnöbischen
Orth Zürich / Bern / Lu-
cern etc.

Allen vnd jeglichen Geiftlichen vnnnd
Weltlichen Fürften / Graffen / Frey-
en / Herren / Ritteren / vñ Knechten /
vnnnd fonft allen anderen Perfohnen / in
was Würden / vnd Wesens die feynd / nie-
mand darinne außgeschlossen. Verkünden
wir Burgermeifter / Schultheiffen / Am-
man / vnnnd Rätche diser nachgefchribnen
Stätten vñ Länderen / mit namen / Zürich /
Bern / Lucern / Bry / Schwens / Un-
derwalden Ob. vnd Nid. dem Kernwald /
Zug / vnd das vffer Ampt / fo zu Zug ge-
hört / vnnnd Glarus. Alsdann der Aller-
mächtig Gott feiner Würdigen Mut-
ter vnd reinen Magdt Mariæ zu Lob / vnd
Ehre

Ehre auff den vierzehenden Tag des Sep-
tembers derselben seiner Mutter Capelle in
dem würdigen Gottes-Haus zu Einsiedlen
selbs mit seinem Himmlischen Heere ge-
weicht hat. Darumb die mit Andäch-
tus auff des nechst künfftigen Heiligen
Creuz Tag zu Herbst / der auch der vier-
zehend Tage des obgenanten Monats ist/
begangen wird / vnd der hoch vbertreffend
Schatz des Ablass durch die Heiligen Väter
/ vnnnd Pabst dahin begabet / vnnnd in-
sonder von Pabst Pio dem nechsten für
Pein vnnnd Schuld / nach Inhalt seiner
Buⁿ / bestättiget / auffgeschlossen / vnd den/
die sich des zuempfehen würdig machen /
mitgetheilt wird. ic.

So schreiben / vnd geben wir euch allen /
so zu dem obgenanten Gottes-Haus ze Ein-
siedlen / es sene vor der Engelweihung / in
der Engelweihung / oder darnach / vnd die
würdige Hoffstatt suchen werden / niemand
auffgeschlossen / mit disem vnserm Brieff
Sicherheit / vnnnd Geleidt hie zwischen dem
Bodensee / vnd dem Rhein durch vnser /
vnd aller der vnsern Stätt / Dörffer / Land /
Ges

Gebiet / Gericht / Zwing / vnd Bann / das
hin zukommen / da zu seyn / vnd widerumb
dadurch sicher vnd frey ihr Leibs vnd Guts
zu wandlen vnd zufahren ic.

Vnd des zu wahrer Bezeugnuß / vnd ve-
stem Brkund / so haben wir vnser Stätten /
vnd Länderen Secret / vnd Insael offents-
lich lassen hencken an disen Frieß / der ge-
ben ist Zürich auff Dinstag vor St. Gör-
gen Tag des Heiligen Ritters / da man
helt von der Geburt Christi vnser Lie-
ben Herrn Tausent / vierhundert /
sechzig / vnnnd im sechs-
ten Jahre.

FINIS.









